

春秋左傳典略

春秋左傳典故十

昭公起庚申、盡辛卯、凡三十二年

○叔孫紱而婉

○○令尹賦大明

○中聲以降五降之後不容彈矣

△周公蔡蔡叔

○火中寒暑乃退

△讒鼎

三才圖會卷之四
羊舌氏

○北燕伯欵出奔齊

、四嶽

△北陸西陸

○○武子問電於申豐

△△穆叔生筮之遇明夷之謙

、朝聘有珪享頰有璋

、令尹爲王旌

△天有十日人有十等

△孟僖子不能答郊勞

☾日月之災

△析木之津

☾火水妃也

△味以行氣氣以實志

、觀從之先佐開卜

☾少皞鳥官

○○○雉爲工正

△和如羹焉

○○○五聲六律七音

○○于產疾卒

○○○景王鑄無射

○○○日食不爲災

○○爲六畜五牲三犧以奉五味

○○鸛鹄來巢

△平子殺展與夜姑

、禘於襄公萬者二人

△公孫於齊

△厲王戾虐萬民弗忍居王于麇

△攜王

○○齊侯使宰獻而請安

△龍輔

○官宿其業其物乃至

○周棄亦爲稷自商以來祀之

○○不先書鄆與乾侯非公且徵過也

○○越得歲而吳伐之必受凶

春秋左傳典略十

明浙澹陳許廷著

昭公

叔孫綏而婉

元年正月

子貢曰大車不綏則不成其任琴瑟不綏則不成其音非鴻之力安能舉其翼

令尹賦大明

元年三月

汎歷樞曰午亥之際爲革命卯酉之際爲改正辰

春。初。左。傳。典。略。在。天。門。出。入。候。聽。卯。天。保。也。酉。祈。父。也。午。采。芑。也。亥。大。明。也。大。明。在。亥。水。始。也。四。牡。在。寅。木。始。也。嘉。魚。在。巳。火。始。也。鴻。鴈。在。申。金。始。也。子。圍。視。篡。位。爲。良。圖。故。宣。其。志。於。大。明。不。知。重。黎。之。運。燔。於。亥。也。故。觀。志。者。必。謹。四。始。五。際。微。矣。哉。

亥爲革命一際也。辰爲天門出入候聽二際也。卯爲陰陽交際三際也。午爲陽謝陰興四際也。酉爲陰盛陽微五際也。

周公蔡蔡叔

元年五月

上蔡字說文作𦵏音同字從殺下米云𦵏𦵏散之也故詁爲放

中聲以降五降之後不容彈矣

元年秋

中聲不以角而以宮者蓋卽其始而用之正衆聲和與未和用與未用陰陽際會之中也自林鐘而下則有半聲自蕤賓而下則有變律皆有空積忽微不得其正黃鐘爲聲氣之元所用七聲皆正律

無○空○積○忽○微○蓋○其○盛○也○五○降○之○後○而○曰○不○容○彈○者○
以○二○變○之○不○可○爲○調○也○

火○中○寒○暑○乃○退○

三年正月

季○夏○之○月○日○在○柳○昏○心○中○旦○奎○中○季○冬○之○月○日○在○
婺○女○昏○婁○中○旦○氏○後○卽○次○房○心○是○旦○火○中○也○

讒○鼎○

三年正月

讒○地○名○禹○鑄○九○鼎○于○甘○讒○之○地○故○曰○讒○鼎○殷○衰○之○
時○沒○於○泗○水○武○王○克○殷○鼎○乃○出○見○

太正社
以以來
不知何
時復見

羊舌氏

三年正月

世族譜云羊舌氏名果有人盜羊而遺其頭不敢
不受而埋之後盜羊事發辭連及果掘羊頭示之
唯其舌存得免遂號羊舌氏以獻惠之削株掘根
橫柅公族非凜集木之思著無度之美必難免於
富子之謀亾人之詛矣瘞羊舌在不其或然

北燕伯欵出奔齊

三年冬

燕召公之後然國於蠻貊之間禮樂微矣春秋之

春秋左傳與略

昭公

三

際未嘗出與諸侯會盟。至於戰國亦以耕戰自守。安樂無事。未嘗被兵。文公二十八年。蘇秦入燕。始以縱橫之事說之。自是兵交中國。無復寧歲。六世而亾。吳自大伯至壽夢十七世。不通諸侯。自巫臣入吳。教吳乘車戰射。與晉力爭。七世而亾。燕吳雖南北絕遠。而興亾之迹。大略相似。彼說客策士。借人之國。以自快於一時。可矣。而爲國者。因而徇之。猖狂恣行。以速滅亾。何哉。夫起於僻陋之中。而奮

既不以
從聖教

於諸侯之上。如商周先王以德服人。則可。不然。皆禍也。至太子丹不聽鞠武而用田光。欲以一匕首斃秦。雖使荆軻能害秦王。亦何救秦之滅燕。而況不能哉。此又蘇秦之所不取也。

四嶽 四年春

白虎通曰。嶽者。何謂也。嶽之爲言。桷應劭曰。桷功考德黜陟幽明也。尊曰岱宗。岱者。長也。萬物之始。陰陽交代。雲觸石而出。膚寸而合。不崇朝而徧雨。

天下其唯泰山乎。衡山銓德鈞物。一名霍。霍者萬物盛長。垂枝布葉。霍然而大舉者。華也。萬物滋然變華于西方也。恒者常也。萬物伏藏於北方。有常也。元命苞曰。畢昴之精散爲冀州。分爲趙國。立爲常山。

北陸西陸

四年正月

陸道也。北陸虛也。西陸昴也。北道之宿虛爲中。西道之宿昴爲中也。日在北陸。玄枵之次也。春分西

道之奎宿晨見東方。

武子問雹於申豐。

鄭玄曰國之失政。君子知其大者。其次知其小者。藏冰之禮。凌人掌之。月令載之。幽詩歌之。此獨非政。與故其小者耳。夫深山窮谷。固陰沍寒。極陰之處。冰凍所聚。不取其冰。則氣畜不泄。結滯而爲伏陰。凡雨水陽也。雪雹陰也。雨水而伏陰薄之。則凝而爲雹。雨雪而愆陽薄之。則合而爲霰。申豐見時。

利左傳與明
失藏冰而有雹推之陰陽知此伏陰所致詳著藏
冰之禮亦其寓言也

穆叔生筮之遇明夷之謙

五年正月

邵子曰明夷者日入地中構精之象不待繁鳥萃
棘已兆其鷄鵠之情矣楚丘之占未之及也

朝聘有珪享頰有璋

五年春

二王之後享天子圭以馬享后璋以皮諸侯享天
子璧以帛享后琮以錦子男享大國琥以繡享夫

人璜以黼。所以朝天子。圭與纁皆九寸。剡上寸半。厚半寸。博三寸。纁三采六等。朱白蒼。問諸侯。朱綠纁八寸。皆玄纁。繫長尺。絢組多貨。則傷於德。幣美則沒禮。已聘而還玉。相厲以輕賄。而民作讓矣。

采成文曰絢

令尹爲王旌 七年二月

禮緯稽命徵曰。天子旗九刀。曳地。諸侯七刀。齊軫。大夫五刀。齊較。士三刀。齊首。以不成子之贅行。而

物采儼於共主。橈已填矣。又何加焉。

天有十日。人有十等。

日中當王。食時當公。平旦當卿。離明當士。夜半當皂人。定當輿。黃昏當隸。日入當僚。晡時當僕。日昃當臺。環齊要略曰。大夫者之言。抹也。士事也。皂造也。輿衆也。僚勞也。

孟僖子不能答郊勞。七年三月。

凡賓未入竟。壹肆爲墮壇。畫階帷。其北無宮。朝服。

無主無執也。介皆與北面西上。習享。士執庭實習。夫人之聘享亦如之。習公事不習私事。及竟張旌。誓乃謁關人。關人問從者幾人。以介對。君使士請事。遂以入。竟賓至於近郊。張旌。君使下大夫請行。反。君使卿朝服用束帛。勞上介出請入告。賓禮辭。迎於舍門之外。再拜。勞者不答拜。賓揖先入。受於舍門內。勞者奉幣入。東面致命。賓北面聽命。還少退。再拜稽首受幣。勞者出授老幣。出迎勞者。勞者

求得不

禮辭。賓揖先入。勞者從之。乘皮設。賓用束錦。償勞者。勞者再拜稽首受。賓再拜稽首送幣。勞者揖皮出。賓送拜。此答郊勞之禮也。求而行之。何病之有。

日月之災

七年四月

凡日食。天子伐鼓以責上公。諸侯用幣以請羣陰。火日外影。其中實闇。至明中有闇。虛其虛甚。微望。與月與相射。卽食。故月食謂之闇。虛。日一星在房之西。氐之東。日者陽宗之精也。爲鷄。

二足爲鳥三足鷄在日中而鳥之精爲星以司太陽之行度日生於東故於是在焉月一星在昴之南畢之北月者陰宗之精也爲兔四足爲蟾蜍三足兔在月中而蟾蜍之精爲星以司太陰之行度月生於西故於是在焉

析木之津

八年十一月

天河在箕斗二星間箕在東方木位斗在北方水位隔河分析水木故此次爲析木之津

火水妃也

九年四月

陰陽之書有五行嫁娶之法庚以乙爲妃丙以辛爲妃壬以丁爲妃戊以癸爲妃甲以己爲妃畏之故爲之妃妃合也水火合而相薄夫妻合而相親雖同其欲必從其勝也易通卦驗玄圖曰荔挺不出則其國多火災

味以行氣氣以實志

九年六月

凡物得時氣之尤爲人食之弗勝用休廢之脂膏

此見周
官典貢
無武動
學內則

和之。春行羔豚膳膏香。夏行腍鱠膳膏臊。秋行犢
麋膳膏腥。冬行蠃羽膳膏羶。香牛也。臊犬也。腥雞
也。羶羊也。牛屬司徒。土也。雞屬宗伯。木也。犬屬司
寇。金也。羊屬司馬。火也。牛宜稌。羊宜黍。豕宜稷。犬
宜棗。鴈宜麥。魚宜苽。腥臊羶香之不可食者。有辨。
牛夜鳴則厲。羊冷毛而毳。羶犬赤股而躁。臊鳥鵲
色而沙。鳴狸豕盲視而交睫。腥馬黑脊而般臂。螻
蛄乾雉。鱠乾魚。鮮魚羽。鴈厲。盾惡臭也。冷毛而毳。

毛長總結也。赤股猶白肉躁疾也。瞶失色沙漸也。狸鬱也。豕水屬腥當爲星其肉如米般文也。臂前足螻螻蛄臭。

觀從之先佐開卜 十三年五月

大人掌卜之三兆。帝顓頊之玉兆。帝堯之瓦兆。有周之原兆。原田也。灼龜發於火似玉。瓦原之象。罅是用名之焉。其經兆三體。皆百有二十。其頌皆千有二百。體有五色。曰雨曰濟曰圍曰蠹曰尅。兆有

四部曰方曰功曰義曰弓。繇謂之頌。

少皞鳥官

十七年夏

通卦驗曰、天地成位、君臣道生、君有五期、輔有三
名、文耀鉤曰、伏羲作易、名官者也、自少皞以前、天
下之號、象其德、百官之號、象其徵、顓頊以來、天下
之號、因其地、百官之號、因其事。

雉爲工正

十七年夏

雉夷也、西方曰鷩、攻木之工也、東方曰鷩、搏埴之

利。工也。南方曰翟。攻金之工也。北方曰鵠。攻皮之工也。伊洛之南曰輦。設五色之工也。仲尼學樂於
萇弘。問禮於郊子。是聖人無常師。

和如羹焉。二十年十二月

此說和羹而不言豉。禮記內則楚辭招魂備論食
飲亦不及豉。史游急就篇乃有蕪荑鹽豉。蓋秦漢
以來始爲之。

五聲六律七音。二十年十二月

商章也。物成熟可章度也。角觸也。觸地而出戴芒
角也。宮中也。徵祉也。物盛大而繁祉也。羽宇也。物
聚宇而覆之也。宮數八十一。徵數五十四。商數七
十二。羽數四十八。角數六十四。下生以九。生六三。
損一也。上生以六。生九三。益一也。樂緯動聲儀曰。
應相生。應卽爲和。不相生。應則爲亂也。黃鐘初九。
下生林鐘。初六。林鐘上生大簇。九二。大簇下生南
呂。六二。南呂上生姑洗。九三。姑洗下生應鐘。六三。

應鍾上生蕤賓九四蕤賓上生大呂六四大呂下
生夷則九五夷則上生夾鍾六五夾鍾下生無射
上九無射上生中呂上六同位象夫妻異位象子
母所謂律娶妻而樂生子也叶圖徵曰日冬至成
天文日夏至成地理作陰樂以成天文作陽樂以
成地理圓鐘爲宮黃鐘爲角大簇爲徵姑洗爲羽
雷鼓雷鼗孤竹之管雲和之琴瑟雲門之舞冬日
至於地上之圓丘奏之若樂六變則天神皆降可

得而禮矣。凡樂函鐘爲宮。大簇爲角。姑洗爲徵。南
呂爲羽。靈鼓靈鼗。孫竹之管。空桑之琴瑟。咸池之
舞。夏日至於澤中之方丘。奏之。若樂八變。則地示
皆出。可得而禮矣。凡樂黃鐘爲宮。大呂爲角。大簇
爲徵。應鐘爲羽。路鼓路鼗。陰竹之管。龍門之琴瑟。
九德之歌。九磬之舞。於宗廟之中。奏之。若樂九變。
則神鬼可得而禮矣。圓鍾夾鍾也。夾鍾生於房心。
之氣。房心出日之處。天帝之明堂。函鍾林鍾也。林

鍾生於未之氣。未坤之位。天社六星在東井輿鬼之外。天社地神也。黃鍾生於虛危之氣。虛危爲宗廟。以此三者爲宮聲類。求之天宮夾鍾陰聲。其相生從陽數。其陽無射。無射上生中呂。中呂與地宮同位。不用也。中呂上生黃鍾。黃鍾下生林鍾。林鍾地宮。又不用。林鍾上生太簇。太簇下生南呂。南呂與無射同位。又不用。南呂上生姑洗。地宮。林鍾。林鍾上生太簇。太簇下生南呂。南呂上生姑洗。人宮。

黃鐘。黃鐘下生林鐘。林鐘地宮。又辟之。林鐘上生太簇。太簇下生南呂。南呂與天宮之陽同位。又辟之。南呂上生姑洗。姑洗南呂之合。又辟之。姑洗下生應鐘。應鐘上生蕤賓。蕤賓地宮。林鐘之陽也。又辟之。蕤賓上生大呂。凡五聲宮之所生濁者爲角。清者爲徵羽。無商音者。大武之樂。武王伐紂不用商音也。五聲以外。武王更加變宮變徵爲七音。樂猶易也。黃鐘大呂太簇夾鐘十二律。卽乾兌離

震八卦也。京房包育執姤丙盛分動六十律。卽屯
蒙需訟六十四卦也。易可以分六十四卦。何獨十
二律不當分哉。梁沈重衍六十律爲三百六十律。
有阿衡歸仁之目。後儒詘之爲續脛。亦固矣。

子產疾卒

二十年十二月

密縣邢山上有子產冢。其造冢居山之頂。四望周
達。連山體南北之正。而邪東北向新鄭。其隊道塞
其後而空。其前不填之。示藏無珍寶。不取於重深。

也。山多美石。不用集洧水自然之石。以爲冢藏。君子尚其有情。小人無利可動。歷千載無毀儉之致也。有云是祭仲冢。

景王鑄無射 二十一年春

凡病鍾之聲。十有二。高聲硯。正聲緩。下聲肆。跛聲散。險聲斂。達聲羸。微聲錯。回聲衍。侈聲侏。食聲鬱。薄聲甄。厚聲石。故大鍾十分其鉦間。以其一爲之。厚。小鍾十分其鉦間。以其一爲之。厚。爲遂六分其

厚以其一爲之深而圍之。此鳧氏之善者也。景王
選單旗之言。忽州鳩之聽明。淫甚矣。無射有林能
爲病乎。夫武北出滅商。南國分陝。反自羸內上宮。
關於無射。謂之羸亂。知羸之敗姬也。今王寫無射
以宣之。此火德之大期。弗可悛也矣。其後秦滅周。
鍾自洛陽徙於長安。宋武帝滅姚泓。移於江東。隨
開皇九年。平陳。遷置西京太常寺而毀之。俯仰古
今。何止金盤仙人之泣也。

硯讀爲袞。高則聲上藏。袞然旋如裏。上下正傭。則聲緩無所動。下下大也。下大則聲放。偏侈則聲離散。險謂偏弇也。險則聲斂不越。達形微大也。達則聲有餘。若大放也。微形微小也。錯聲小不成也。鬼谷子飛鉗。涅錯。禁人不語。回形微圓也。衍無鴻殺也。侈中央約也。侈則聲迫。作出去疾也。弇中央寬也。弇則聲鬱。勃不出也。甄猶掉也。微薄則聲掉。大厚則如石。少聲于上。謂之鼓。

鼓上謂之鉦于鍾脣之上祛也鼓所擊處深窶之也遂謂所擊之處深而圓之以擬擊也

日食不爲災

二十一年七月

日躔惟一黃道終古無出其外也月於黃道有時在南在北故月道半出黃道北半出黃道南而爲南北二交朔時若月在二交之外或南或北與日非經緯同度不能掩日光也南北爲經東西爲緯凡是朔日經度必同如更同緯度適在二交之上

乃能拚其光而食耳。

唐一行日議通計一百七十三日有奇與日一交。
一歲兩交。或有兩食或交而不食或頻交而食。春
秋二百四十年日食止三十六。唐二百九十年日
共一百餘食。要不第以婁角爲晝夜之中。斗井爲
短長之極。勾股而知之也。其在治忽乎。非與。

爲六畜五牲三犧以奉五味。二十五年夏。

天產者動物。六牲之屬。地產者植物。九穀之屬。陰。

德○虛○純○之○則○劣○故○食○動○物○作○之○使○動○陽○德○盈○純○之○
則○躁○故○食○植○物○作○之○使○靜○如○是○然○後○能○合○天○地○之○
化○而○萃○其○類○饗○飴○醴○在○碑○東○穀○物○爲○陽○醴○在○碑○西○
肉○物○爲○陰○減○而○進○者○以○進○爲○文○盈○而○反○者○以○反○爲○
文○

鵲○鵲○來○巢○ 二十五年夏

天○鳥○來○巢○以○方○書○十○日○之○號○十○有○二○辰○之○號○十○有○
二○月○之○號○十○有○二○歲○之○號○二○十○有○八○星○之○號○縣○其○

巢上則去之。然不可以虛發。嚇播芥之羽。

平子殺展與夜姑

二十五年秋

男女之陰訟。聽於勝國之社。奄其上而棧其下。就之以聽陰訟之情。不使宣也。意如欲殺展與夜姑。故暴著其情。不顧季姒之牆茨。不然。夫喪檀何幸。免於祁勝。鄔臧之比與。

禘於襄公萬者二人

二十五年秋

大胥掌學士之版。以待致聚舞者。小胥比之。而鱣。

其不敬。巡舞列而扶其怠慢。姬公之典禮也。今公庭徹縣。陪吏樂備。此河隈海澨。多抱器而投爾。吾以昭公歿。愈於亾。

公孫於齊

二十五年九月

公徒之敗。由驪戾陷西北以入也。孟氏執郈昭伯。以夫旌。夫已氏之旌也。昭子身爲正卿。以忠孝自獎。反不討賊。欲安衆而納公。何辭之暇。與若宜書。曰。媿出其君。何夫子微辭。亦沒沒也。不勞之不可。

能也。豈其然乎。

厲王戾虐萬民弗忍居王於麗

二十六年

中候適雒貳曰昌受符厲倡嬖期十之世權在相。刻者配姬以放賢山崩水潰納小人家伯罔主異載震言昌受符爲王命之始期十之世自文數之至厲王除文爲十世也以刻對姬刻爲其姓故鄭玄以豔妻爲厲王婦非龍齡之妖刻豔古今耳。

攜王

二十六年十二月

幽王既歿。虢公翰立王子余臣於攜。與平王竝立。
二十一年。攜王爲晉文侯所殺。卽伯服也。此時平
王安得不居洛邑耶。

齊侯使宰獻而請安。

二十七年冬。

燕禮。公雖親在。而別有主人。主人宰夫也。射人爲
司正。司正洗角觶。南面坐。奠於中庭。升東楹東。受
命。西階上。北面。命卿大夫。君曰。以我安卿大夫。皆
曰。諾。敢不安。齊用此禮。安魯侯耳。非自請安也。

皆南惟
此一說
未始服
之甚核

龍輔 二十九年五月

山國用虎節。土國用人節。澤國用龍節。皆鑄金爲之。山澤之國。出使用之也。以玉爲函。輔盛龍節。謂之龍輔。或以英帑輔之。帑。函器也。英。華有畫義。故曰畫函。

官宿其業。其物乃至。 二十九年秋

貌之不恭。惟金沴木。視之不明。惟水沴火。言之不從。惟火沴金。聽之不聰。惟土沴水。思之不睿。惟金

要知貨
賊國除
立者正
其為惡
之心

看利在傳其時
木水火土王者視明禮修而麟至思睿信立而
白虎擾言從文成而神龜在沼聽聰知正而名川
出龍貌共體仁則鳳鳥來儀

周棄亦為稷自商以來祀之
二十九年秋

湯承堯舜禪代之後而有慙德故革命創制改正
易服變置社稷以後世無及勾龍者不可而止棄
功乃過於柱故湯廢柱而以棄代之

不先書鄆與乾侯非公且微過也
三十年正月

三代封建。自上及下。降殺以兩。君不亢高。臣不及卑。強弱相參。衆力相須。賢愚相厠。故雖有昏亂之君。亦有忠賢之輔。我周東遷。晉鄭是依。無知之亂。實獲小白。驪姬之妖。重耳以興。天下雖瓦解。而不土崩。海內雖鼎沸。而不益溢。天生季氏。以二魯戾季氏。未有篡奪之惡。公雖失志。亦無抽筋倒懸之急。糟者猶糟。實者猶實。玉者猶玉。血者猶血。酒者猶酒。聽用隸豎僥倖之私。既不能強。又不能弱。迨

其負極謝過終不敢入所以身歿於外見貶於春秋也。

越得歲而吳伐之必受凶

三十二年夏

吳越以夏周之孟夏建卯仲夏建辰木用事之時木數三木用事則歲星王當從遠期以三乘十二爲三十六歲星復其所而三十七過其次而歲星去矣故越亦後至哀二十二年積三十八年冬十一月而滅吳然以天占人者必以人占天子胥歿

越王欲伐吳范蠡諫曰吳雖妖試幸措子胥之計
策尚未忘於王之腹心也夫已三年乃能攻之史
黯欲前知於天道未勝之時甚哉其相蒙也

春秋左傳典略十一

定公起壬辰盡丙午凡十有五年

、范獻子去魏獻子柏椁

○孔子爲司寇

○莊公卒先葬以車五乘殉五人

、少帛綈蒺

△子大叔九言

○伍員謂包胥曰我必復楚國

孟子
孟懿子往報夫人之幣

○魯始尚羔

○齊人來歸鄆謹龜陰之田

春秋左傳典略十一

明浙甯陳許廷著

定公

范獻子去魏獻子柏棹

元年正月

君以松黃腸爲櫛。黃腸心也。大夫柏櫛。不用黃腸。棺櫛之間。君容祝。大夫容壺。士容甒。君裏櫛。虞筐。大夫不裏櫛。士不虞筐。

孔子爲司寇

元年七月

孔子之爲魯司寇命之曰宋公之子弗甫有孫魯
孔丘命爾爲司寇孔子曰弗甫敢及厥辟將不堪
公曰不妄受命者必以其祖命之

莊公卒先葬以車五乘殉五人

三年二月

邾子好潔遺命以人爲殉欲儻地下拚除又慮與
柩同入汚履藏內故別爲便房先納車及殉也

拚謂灑掃

少帛精棧

四年三月

通帛爲旃。雜帛爲物。通帛謂大赤。雜帛以帛素飾其側。少帛雜帛也。精菁也。夜旆也。尾猶用赤則旃通身大赤。大赤周正色。

子大叔九言

四年三月

一字與二字並爲一言。三字以上爲句。伏羲作十言之教。曰乾坤震巽坎離艮兌消息。

伍員謂申包胥曰。我必復楚國。

四年十一月

子胥因吳之入。鞭平王之尸。血流至踝。非常之事。

寧可常理言之。蓋至孝之至精誠感天使血流所以慰連尹棠君之魄也。

孟懿子往報夫人之幣。

六年夏。

賓至於近郊。夫人使下大夫勞以二竹簠。方玄被纁裏有蓋。其實棗。蒸栗擇兼執之以進。賓受棗。大夫二手授栗。賓受儗之。如君使卿勞之禮。下大夫勞者。遂以賓入。至於朝。主人曰。不腆先君之祧。既拚以俟矣。賓曰。俟間。大夫帥致於館。夕。夫人歸禮。

既致饗旬而稍宰夫始歸乘禽。日如其饗餼之數。孔穎達曰：晉之夫人嘗有聘魯者矣。桓子獻鄭俘，亦得報夫人之聘。又強孟氏往者，虎欲困三家以深媚晉也。

魯始尚羔

八年夏

士相見之禮：贄冬用雉，夏用膳。左頭奉之，下大夫相見以鴈，飾之以布。維之以索，如執雉。上大夫相見以羔，飾之以布。四維之，結於面。左頭如麋，執之。

始見於君。執摯。至下容。彌蹙。庶人見於君。不爲容。進退走。士大夫則奠摯。再拜稽首。君答壹拜。若他邦之人。則使摯者還其摯。曰。寡君使某還摯。賓對曰。君不有其外。臣臣不敢辭。再拜稽首受。虛文。

齊人來歸鄆。謹龜陰之田。

十年夏

齊人非服義而歸田。蓋踊以嘗魯耳。夫子固不欲受之也。夫齊之壓魯久矣。視其之會。辟萊夷之兵。卻秕稗之享。方將昭德禮以光載書。豈真以四邑。

易吾三百乘乎。且四邑屬齊。年歲淹久。已絕於秦。繆之於晉侯。置而君之。獲而舍之。賂以河東。猶朝濟而夕設版。要盟不蠲。齊何遽弱於魯。納地效璽哉。蓋無故而鉅之以女。謁魯必疑。則猶未敢微服而觀也。惟先入四邑而承之以康樂。彼婦之敗。雖諄將不聽。齊已知之矣。

春秋左傳典略十二

哀公起丁未迄庚申又迄癸酉共二十七年

△三揖

○○趙鞅使大子纁

△桐棺三寸不設屬辟

○○取蜂旗於子姚之幕下

○○○亳社災

○○公會晉侯及吳子于黃池

○○車子鉏商獲麟

△衷旬

○杜預曰

春秋左傳典略十二

明浙濟陳許廷著

哀公

三揖

二年夏

孤卿特揖大夫以其等旅揖士旁三揖三揖者士有上中下士卑故旁揖之又曰士揖庶姓時揖異姓天揖同姓。

趙鞅使大子纁

二年夏

士喪禮卒斂徹帷主人髻髮袒衆主人免於房又奔喪之禮入門哭盡哀括髮袒齊衰以下入門哭盡哀免麻於宇東蓋齊衰以下乃免也使大子免者禮不至喪所不括髮故始發喪以免代之免制如冠狀廣一寸麻布爲之自頂中而前交額上卻繞紒。

桐棺三寸不設屬辟

二年秋

凡棺用能溼之物梓槨能溼桐速朽墨翟尚儉桐

棺三寸。辟，裨也。大夫無辟。時僭耳。桐棺三寸。罰之重也。素車不以嬰柳。士柩亦乘人用車馬者亦示貶也。

取蜂旗於子姚之幕下

二年八月

公侯建旂。孤卿建旛。周禮也。而鄭有螯孤。吳有肥胡。齊有靈姑鉦。簡主之蜂旗。皆自爲名。以奸王制。王何異之有焉。故鄭之析旛。不如齊之渠門。齊之渠門。不如衛之縉。蒺至若大屈之問申孫之注。雖

齊桓公出遊遇一丈夫哀衣應步帶著桃父桓公
怪而問之丈夫曰是名二桃桃之爲言亡夫日日
慎桃何患之有故亡國之社以戒諸侯庶民之戒
在於桃父

亳社災 四年

齊桓公出遊遇一丈夫哀衣應步帶著桃父桓公
怪而問之丈夫曰是名二桃桃之爲言亡夫日日
慎桃何患之有故亡國之社以戒諸侯庶民之戒
在於桃父

晉侯及吳子於黃池 十三年夏

吳以蠻夷爭盟上黨楚伏如龜齊竄似鼠晉已無

鳩越其有牙。乃不再世。亾者地遠民勞而勢不順也。越王句踐既克夫差。雖號伯王。實斂兵自守。無大征伐。分吳故土。以畀楚宋魯。遂以保國傳世。彼親見其害。知所以自監矣哉。至王無疆。無闔閭之知。而有夫差之愚。其殘國宜矣。昔楚莊王克陳。宋鄭力能取之。而不有。諸侯安之。而楚遂以興。靈王大城陳。蔡不羹。經營中夏。貪而不止。則身受其咎。蓋東南之常勢。於是可見矣。自東晉以來。至於陳。

皆國於吳越之墟。成敗之迹無不然者。雖桓溫劉
琨。善用兵。或能一勝。而民以罷弊。訖於無成。至殷
浩庾亮。蓋不足數也。如謝安之賢。猶勉強北征。失
策而歿。亦眩於其名。而未安其實。故耶嗟夫。謀國
如蔡謨。吾有取焉。

車子鉏商獲麟

十四年春

麟生於火而游於土。中央軒轅大角之獸。孔子作
春秋。春秋者禮也。修其母以致其子。故麟來爲孔

子瑞卅子疑天下之妖其於援神契之言俱膚也
范雍曰中國者蓋禮義之鄉聖賢之宅軌儀表於
遐荒道風扇於不朽麟麒步郊不爲暫有鸞鳳棲
林非爲權來故不若鶚鵠非窮桑之德產蜚蜮非
沂澗之嘉蟲而特書有也

哀旬

十七年春

旬卽乘也四丘爲旬出車一乘故以旬名衷中也
四馬爲上乘二馬爲中乘一轅兩牡夾之卿也

杜預曰太康元年三月吳寇始平余自江陵還襄陽解甲休兵乃申抒舊意修成春秋釋例及經傳集解始訖會汲郡汲縣有發其界內舊冢者大得古書皆簡編科斗文字發冢者不以爲意往往散亂科斗書久廢推尋不能盡通始者藏在秘府余晚得見之所記多雜碎怪妄不可訓知周易及紀年最爲分了周易上下篇與今正同別有陰陽說而無彖象文言繫辭疑於時仲尼造之於魯尚未

播之於遠國也。其紀年篇起自夏殷周。皆三代王
事。無諸國別也。唯特記晉國。起自殤叔。次文侯。昭
侯。以至曲沃。莊伯。莊伯之十一年十一月。魯隱公
之元年正月也。皆周夏正建寅之月。爲歲首。編年
相次。晉國滅獨。記魏事。下至魏哀王之二十年。蓋
魏國之史記也。哀王二十三年乃卒。故特不稱謚。
謂之今王。其著書文意。大似春秋經。推此足見古
者國史策書之常也。文稱魯隱公及邾莊公盟於

姑蔑卽春秋所書邾儀父。未王命故不書爵曰儀父。貴之也。又稱晉獻公會虞師伐虢滅下陽。卽春秋先書虞賄故也。又稱周襄王會諸侯於河陽。卽春秋所書以臣召君不可以訓也。若此輩甚多。略舉數條以明國史皆承告據實而書時事。仲尼修春秋以義而制異文也。又稱衛懿公及赤翟戰於洞澤。疑洞當爲洞。卽左傳所謂葵澤也。齊國佐來獻玉磬。紀公之甌。卽左傳所謂賓媚人也。諸所記。

多與左傳符同。異於公羊穀梁。知此二書近世穿鑿。非春秋本意審矣。雖不皆與史記尚書同。然參而求之。可以端正學者。又別有一卷純集疏左氏傳卜筮事。上下次第及其文義。皆與左傳同名。曰師春。師春似是抄集者人名也。紀年又稱殷仲壬卽位居亳。其卿士伊尹。仲壬崩。伊尹放太甲於桐。乃自立也。伊尹卽位於太甲七年。太甲潛出自桐。殺伊尹。乃立其子伊陟。伊奮。命復其父之田宅。而

中分之左氏傳伊尹放太甲而相之卒無怨色然
則太甲雖見放還殺伊尹而猶以其子爲相也此
爲大與尚書敘說太甲事乖異不知老叟之伏生
或致昏忘將此古書亦當時雜記未足以取審也